

# Factum du procez d'entre frere Ieā

*Pimprenier & les Religieux, Prieur & Cōuent de S. Barbe en Auge, ioincts demādeurs en cas de saisine & de nouuelleté, pour raison du Pricuré manuel & reuocable de la Cochere, mēbre dependant dudiēt monastere de S. Barbe incidamment defendeurs en manutention de faux : Contre M<sup>e</sup>. Michel Michon, soy disant resignataire de frere Estienne Fouquet, Religieux profex dudiēt monastere de S. Barbe, defendeur & opposant en ladiēte complainēte, & incidemment demandeur en faux contre certaine Chartre produicte par lesdiēts Religieux contenant la fondation dudiēt lieu de la Cochere.*

**P**REMIEREMENT est à noter, que par les saincts Decrets tous Prieurez & benefices reguliers n'ayans charges d'ames, comme est celuy de la Cochere dont est question, sont tenuz reuocables, s'il n'est monstre & verifié du moins par plus de quarante ans qu'ils ayent esté conferez en tiltres de benefices perpetuels, *cap. cū ad Monast. & tales de statu Monach. Panorm. in cap. edoceri de rescript. & in cap. cū deputati de iud. Ioānes Andreas & à sancto Geminiano in cap. cū singula de presb. lib. 6.* Et si aucun diēt que tels benefices soient perpetuels, ils en doiuent faire apparoir : autrement on ne presumerā iamais la premiere nature du benefice auoir esté changee. *l. præcipimus in fine. C. de appel.*

Or est il qu'il est iustificié par pieces authentiques toutes les prouisions qui ont esté faictes dudit benefice de la Cochere, depuis cent ans auoir esté en ceste qualité de benefice manuel & reuocable *ad nutum domini*, mesmes celle de Frere Estienne Fouquet dernier & immediat possesseur pretendu resignant dudit Michon. *Ergo*, quand il n'y auroit autre chose, veu qu'en telles pratiques lon a esgard aux derniers actes, *clarè constat* que ledit Fouquet n'a peu resigner, *quia precario possidebat* : & tant luy que son pretēdu resignataire n'ont moyēs,

A





action ny defences quelconques cōtre le Monastere de saincte Barbe, suiuant la decision premiere de la Rotte *titul. de restitut. spoliatorum in antiquis.*

Attendu mesmes que ledit Michon ne faict apparoir d'aucune prouision qui ait oncques esté faicte dudit Prieuré de la Cochere en qualite de benefice perpetuel.

Dont resulte ledit benefice de la Cochere ne pouuoir vacquer que par mort ou reuocation, *vt not. glo. magna in Clement. quia regulares de supplend. negl. prælat. & in Clement. etsi principalis in verbo electionem de rescript.*

Or est doncques la piece maintenue faulse par ledit Michon totalement conforme à droict, & à la nature dudit benefice, cōforme aux saincts Decrets, assistee de possession immemoriable & cōtinuelle iusques au dernier, duquel ledit Michon pretend auoir droict par resignation. Tellement qu'il seroit impossible qu'on eust faulsemēt disposé ladicte piece. *Falsum enim nihil est quàm immutatio veritatis.*

Quant à ladicte maintenue de faulx, sous correction, il n'y a propos ny apparence quelconque, que ladicte piece puisse estre iugee faulse ou nulle par la depositiō des tesmoins que ledit Michon a faict oyr en son informatiō, qui sont Escriuains & Parcheminiers par luy attitrez, lesquels par disposition de droict ne peuuent déposer *de veritate sed de credulitate, cap. Fraternitatis, & ibi Panor. de frigidis & maleficiatis.*

Ioinct que les defendeurs n'ont esté appelez pour conuenir desdits escriuains & parcheminiers, & n'ont à leur refus esté nommez d'office de iuge, ains ont esté nommez, conduits & salariez à la diligence dudit Michon. Et auroit ladicte piece esté tiree du greffe & portee au logis de M<sup>e</sup> Boutiller Aduocat dudit Michon pour la monstrier ausdits Escriuains auant que d'estre oys & examinez: à quoy partant en iugeant on ne doit auoir aucun esgard, *vt not. Felinus in cap. proposuisti de probat. arg. l. hac edictali. §. his illud ibi quos vtraque pars elegerit C. de secundis nuptiis.*

Oltre, ayant ledit Michon faict oyr quatre d'iceux escriuains separément, & s'estant apperceu que *non erant conuenientia eorum testimonia*, il a faict oyr six autres Escriuains & Parcheminiers en turbe ce que ne fut iamais ouy ne receu en matiere, soit ciuile ou extraordinaire.



Et comme la verité ne peut estre opprimee, l'on trouuera par conference du premier examen, & par le recollement & confrontation infinies absurditez & contrarietez.

Les vns ont dict que l'escriture de ladiete Chartre est recente. Les autres au contraire, par leur art qu'on ne scauroit iuger puis quel tēps elle peut auoir esté escrete.

Aucuns que c'est esriture ~~est~~ faicte de la main gauche.

Les autres nient qu'il y ait riens escret de la gauche. Neât moins de quelle des mains elle soit escrete elle ne peut estre dicte faulse: Car il se trouue des hommes mesmes de iustice, comme sergens qui font leurs actes & exploicts de la main gauche.

Tous les Escriuains conuiennent que le parchemin de ladiete piece est viel.

Les Parcheminiers dient que c'est vn parchemin Normant faict depuis dix ans en ça. Pour faire croire leur dire, c'est par ce qu'on y veoit encores la cosse & dureté, laquelle cosse toutesfois ils dient ne pouuoir estre effacee par laps de temps, qui est vne absurdité intolérable.

Les vns dient que c'est esriture n'agueres rechargee.

Les autres, qu'ils ne scauroient dire que la recharge ait esté faicte puis cinquante ans, & est la recharge vne merque & indice d'antiquité, & non d'une faulseté, quand il n'y a riens d'immué ne changé aux caracteres, n'y en la substance de la chose.

Aucuns dient que ladiete piece a esté reglee & lauce d'eauë forte pour y employer autre esriture.

Les autres le nient, & dient qu'elle ne fut oncques lauce ny reglee, & qu'il n'y eut oncques autre esriture que celle qui est à present, d'autant que le parchemin n'est affoibly, & est encores avec sa fleur.

Aucun d'iceux s'est tant oublié, iusques à dire que la moitié des lignes ont esté effacees par eauë forte.

A l'esgard du scel ils conuiennent tous qu'il est viel, & combien qu'aucuns ayent voulu dire qu'il ait esté de nouuel apposé à ladiete piece, toutesfois qu'ils ne voudroient iuger comme celà se pourroit auoir esté faict n'estant de leur art.

Et combien que le scel ne soit semblable à autre d'une piece que ledit Michon a produicte, il est iustifié par plusieurs autres pieces & chartres anciennes, produictes tant par ledit Pimprenier que par les-



aits Religieux Prieur & Conuent de Sainte Barbe au present procez, que les anciens portoiēt diuers seals en vne mesme famille, mesmes est iustificié de ceux qui portoient leur seal semblable à celuy qui est empraint à la piece dudit Michon, à laquelle vray semblablement y a aussi eu deux seals y ayant encores deux queües pendantes.

Or fessant ledict Michon apperceu que la preuue qu'il auroit pensé faire cōtre ladiete Chartre ne valoit rien, il a recours à l'inspectiō d'icelle, & veut que l'on croye qu'il ait les yeux & iugemēt meilleur que les experts en l'art d'escriture cōtre le dire du Philosophe qui dit que *unicuique in sua arte perito credendum est.*

Veut aussi ledict Michon persuader qu'à l'ouuerture du seal de ladiete piece l'on pourra cognoistre qu'il a esté emprunté d'autre instrument: chose autant absurde & impertinente.

Car le bris & ouuerture dudit seal peut apporter quelque changement soit en la queuē ou cire qui pourra sembler plus recente en vn endroit qu'à l'autre, dont on ne scauroit induire ce que pretend ledict Michon que ce soit vn seal rapporté ny mesmes quand il sy trouueroit de la cire recente, cōme ledict Michon s'est imaginé, car ce pourroit auoir esté fait, pour reioindre & cōseruer ledict seal qui sans aucun effort se seroit trouué ouuert.

De là voit on que la requeste ~~presentee~~ presentee à ceste fin, par ledict Michon est inciuile & impertinente: par ce aussi que ladiete Chartre ne fait foy que par le moyen dudit seal, laquelle outre la manualité, ~~sert~~ sert pour monstrier que ledict lieu de la Cochere a esté donné & aumosné aux Religieux de S. Barbe estant en ce cōforme aux pieces que ledict Michon oppose pour la rendre suspecte.

Ioinct qu'auant qu'elle ait esté monstree & mise es mains des Commissaires deputez pour ouir tesmoins sur les pretenduz moyēs de faux dudit Michon elle fut portee au logis de M<sup>e</sup>. Boutiller Aduocat dudit Michon, comme est iustifié par le procez qui a promesse dudit Prieuré pour l'un de ses enfans, par frere Iean Barjot oncle de sa femme, qui plaide ledict Prieuré souz le nom dudit Michon, lequel partant n'aura failly de changer & alterer ladiete piece en ce qu'il aura peu pour la rendre suspecte.

Partant veu que ledict Prieuré a tousiours esté conferé en simple commission & qualité de benefice manuel & reuoquable, & qu'autres prouisions ne se trouuent iamais auoir esté faites en qualité de



benefice perpetuel, iusques meſmes à celuy qui l'a baillé audit Michon, *nihil reſtat*, ſinon de iuger conformément au contenu de ladiſte Chartre & des conſolutions deſdits Religieux, que le benefice n'a peu vaquer que par reuocation ou par mort dudit Fouquet.

Que iuſtement leſdits Religieux l'ont reuoké & pourueu ledit Pimpremier en la forme & maniere qu'ont fait les predeceſſeurs dès & depuis plus de cent ans.

*Atque ita* que ledit Michon ne peut rien pretendre en vertu de ceſte reſignation, laquelle outre par pluſieurs argumens reſultans du procez ſe trouuera auoir eſté fait & *malis artibus*, ſans qu'il ſoit icy beſoing de les repeter.

Car brief ledit Michon auroit droit par reſignation de celuy qui ne tenoit ledit Prieuré de la Cochere qu'en ſimple commiſſion.

Obieſte ledit Michon, qu'en France il n'y a aucuns Prieurez manuels: la verité permanēte eſt au contraire, parce qu'il y en a pluſieurs en Labbaye de S. Victor lez Paris, aux Celeſtins & autres lieux. Meſmement Rebuffus en ſon traité de *paſificis poſſeſſ. numero 280.* diſt en propres termes, *Omnia beneficia ferè in Francia perpetuò regi ſolere, niſi cōſuetudo contraria reuocandi fuerit.*

Meſmes numero 279. il allegue en l'an 1546. arreſt auoir eſté donné au proffit des Religieux de S. Victor, par lequel certaine prouiſion Apoſtolique de benefice manuel en tiltre de benefice perpetuel auoir eſté declaree abuſiue. *Ergo* en Frāce il y a des benefices manuels, *quando ad nutum & reuocabiliſer committuntur*: cōme au cas qui ſe preſente iusques au dernier qui eſt Fouquet.

Item qu'il y a pluſieurs remarques que ledit Prieuré de la Cochere eſt perpetuel, d'autant qu'il a eſté baillé audit Fouquet *quandiu vixerit.*

Item, qu'il y a pluſieurs reſignations faiſtes dudit Prieuré, il ne ſ'en trouue aucune.

Que ces mots, *qui quidem Prioratus ſeu adminiſtratio de Cocheria quod eſt officium ad nutum reuocabile*, qui ſe trouuent ès commiſſions faiſtes dudit Prieuré de la Cochere, ſunt enūciatiua verba propter aliud emiſſa, & non pas pour exprimer la qualité eſſentielle dudit benefice, choſe inepte, & qu'un petit Grammairien ne voudroit auoir mis en auant.

Quant au premier, il n'y a aucune deſdictes commiſſions faiſtes *ad vitam*, ſinon celle dudit Fouquet dernier immediat poſſeſſeur: mais



tant s'en faut que ces mots *ad vitam* puissent induire vne qualité de benefice perpetuel, au contraire ils montrēt qu'il est reuocable, car iamais en collation de benefice perpetuel on ne met ces mots, *ad vitam*.

D'auantage la mesme commission porte ces mots, *quod est officium manuale reuocabile*, suyuant lesquels faut interpreter la clause subse-  
quente *ad vitam*, id est *reuocabiliter, quia verba interpretari debent secundū materiam subiectam, l. si vno para. locati*. Autremēt il y auroit repugnā-  
ce en la commission dudit Fouquet: car en premier lieu on luy bail-  
le reuocable, & *ad vitam*, c'est à dire *reuocabiliter secundum sub-  
iectum*.

Item Rebusf. audict traicté de *pacificis possess. numero 274.* dict en  
propres termes, que quand les Abbez ou Prieurs auroient baillé à  
leurs Religieux vn benefice manuel, promis & iuré de ne leur pas  
oster pendant leur vie, neantmoins qui leur pourroient oster, *quia ef-  
fet pactum contra naturam beneficij & pactum contra naturam actus non  
ualet, l. cum precario, ff. de precario*.

A ce que dict ledit Michon, que la qualité de manuel a esté vsurpee  
par les ordinaires Prieurs de Sainte Barbe, il n'y a apparence.

*Primò*, par ce que de droit (comme a esté dict cy dessus) ledit Prieu-  
ré n'ayant charge d'ames, est reuocable: dōt s'est ensuiuy la possession  
immemoriable deuēment iustificée par le procez.

*Secundò*, par ce que la fondation & donation dudit lieu de la Co-  
chere a esté faicte au proffit & faueur desdits de Sainte Barbe, con-  
sequemment toutes les augmentations qui depuis ladicte fondation  
sont interuenues audit lieu de la Cochere ont esté en leur faueur, &  
de ceux qui ont esté enuoyez par eux, pour regir & gouverner ledit  
lieu de la Cochere en qualité de Prieurs reuocables.

Car en quelque qualité qu'on aye donné & aumosné biēs au Prieu-  
ré ou Prieurs de la Cochere, celà se doit entendre pour en iouir en la  
qualité que lesdits Prieurs ont tenu ledit Prieuré, & ne se trouuera  
pas que iamais autres que desdits Religieux de Sainte Barbe, en  
ayent esté pourueuz.

De dire que ceste faculté de reuoyer n'a oncques esté pratiquée,  
celà est faulx.

Car il se trouue trois reuocations dans la production desdits de  
Sainte Barbe.



la corte N.

La seconde dans la prouision d'Escoufouppe cotee D. estant pourueu par reuocation d'un nommé Herbot.

La troisieme est celle dudit Frere Estienne Fouquet cotee L. faicte par information precedente, & avec cognoissance de cause: & n'y a apparence qu'elle soit collusoire & de l'intelligence dudit Fouquet.

Car il n'est pas croyable que pour depousseder un fermier, ledit Fouquet eust voulu informatiō de sa vie & mauuais mesnage estre faicte, pour estre declare infame, comme il a esté au Chapitre de S. Barbe, & n'eust esté besoing de prendre un nouuel tilre dudit Prieuré de la Cochere (comme il a faict) en qualité de manuel & reuocable, lequel il a en personne insinué, s'il n'eust pensé auoir esté deuement depoussede par ladiete sentence de reuocation.

Il y a aussi trois demissions, qui equipollent à des reuocations: parce qu'au premier commandement qui estoit faict ausdits pourueuz de la Cochere, pour n'estre veuz rebelles ils remettoient ledit Prieuré, ou desirans d'en estre deschargez pour en accepter quelque autre titulé, s'en sont demis en la mesme façon & qualité de reuocable qu'ils en auoient esté pourueuz.

Et quand il n'y auroit aucune reuocation actuelle, c'est vne faculté imprescriptible: *ea enim quæ sunt facultatis, nunquam præscribuntur.*

Au surplus les superieurs, comme a esté remonsté au procez, n'ont pas accoustumé d'vser de reuocation par information precedente, que contre les rebelles & mal viuans.





